

تورکجه

✱

محل اداره سی:

Berlin-Nikolassee,
Normannenstraße 6.

Teleph.: Wannsee 132

✱

✱

صاحب و مدیر مسئولی
معلم دوقیو الیاس براغون بکمنافع اسلامیه یه خادم آثار
ایچون صحیفه لرمز آجیق در.

✱

لواء الاسلام

۱ نجی سنه

اون بش کونده بر نشر اولنور سیاسی مجموعه

نومرو ۱۲

بريجك يول.

و حادثات کوسریور که بزقمیلداسه قده، قمیلداهاسه قده
آوروپا ظالمیری بی آویوب اسارت زنجیرینه باغلامقدن
واز کچیمه جککدر. شو حالده بزه قلات یکنه یول،
اسیر قارداشلرمزی ده قورتارمغه ساواشه رق هپ برلکده
حقمزی، حریتمزی استرداد و محافظه ایلمه مک ایچون
اولومی کوزه آله رق ال برلکیله چالیشمقدن. ال برلکیله
چالیشمق دیمک، اسکیدن اولدوغی کی، قورتولمازمی
باشقه لرندن بکله مک، باشقه لرندن امداد اومق دیمک
دکدر، هم کندی و هم ده اسیر قارداشلرینی قورتارمق
ایچون بالذات ایشه صارلمق وقان دوککدر. فقط قانی
یهوده و مقصدسز دوکمه مک ایچون ابی و اساسلی
حاضراقمقدن. ایشه بزه قلات یکنه یول. آکر بز
بو یولده ایلریلمه مکه باشلار و دوام ایدرسه ک هر حالده
دنیا نك، اسلام عالمی خارچنده، دیگر ازیلن خلق و
صنغری بی ده بشریتی شین اسارتدن قورتارمغه معطوف
اولان مجادله مزه برلکده سور وکلهر، اولنره ده کندی
حقمزی طانیاترق بزمه توحید مساعی ایتمه لرینه موفق

اسیر اسلام عالمی ایچون بریجک قورتولوش یولی،
بو عالمی تشکیل ایدن هر ملتک کندی کوجیله،
قوتیله اوزرینه چوکش اولان اجنبی تحکمی آتمغه
یورومهی در. آکر کوچوکندن بو یوکنه قدر بو یولده
قورتولوش مجادله سنه کیرمه عزم ایتمز و وقت غائب
ایتمکسزین بوکا حاضرا لئماز سه ق قیامته قدر اسارت زنجیری
آلتنده ایکله رز. بو یوله عمومی بر حرکت تشبثک ظالم لرك
نظر دقتلرینی داها زیاده جلب ایده جکئی، دولایسیله
بونلرک ظالم لری آرتیره جغنی و بلکه ده یاری مستقل
قالش اولان تورکیا، ایران و افغانستانی ده محوه یورویه.
جککرینی سویله بنلرمز بولنور. فقط ماضی به وحاله
شویله برباقه جق اولور سه ق بو یولده کی دوشنجه لرك
بوش اولدیغی بک اعلا آکلارز. اسلام عالمتک اکثریتنک
اسارتده قاله می اقوام اسلامیه دن، هنوز مستقل
اولانلرندن، هانکیسته تأمین حریت و استقبال ایله دی؟
فاس داها کچن کون خریطه عالمن سلیئرکن ایران نه
اولدی، تورکیا نه اولدی و نه اولیور؟ بوتون وقایع

كله جكلمزك لغتلىرىنه مستحق اولوروز. حالبوكه قورتولوش ايچون اولمكى كوزه آيرساق هم بى و هم ده بزدن سوكره كيلرگ حر و بختيار اولمى تامين ايتمش اولوروز. (۱)

اولوروز. ايشته بزم ايچون بربجك قورتولوش يولى بى ازن، كيفلىرى ايچون قانزله، مالزله ايشته ديكى كى تصرف ايدن اجنبى ظالم و اسير جيلرىنى، هر واسطه به مراجعتله، محوه چالشمقدور. ذاتاً مقدر اولان اولومدن قورقاراق كوك كى يشارساق هم كچمشلرمزك و هم ده

بر نطق .

(كچن نومرودن مايند)

اولان ايتاليانلر بورادن هيچ بر فائده كورمداكلرى حالده هر سنه بر قاچ مليار فراق صرف ايتكمده درلر. فقط كاملاً طرد ايدلملى اوزاق دكلدر.

مصره دائر فضله سوز سويله مك ايشتميز. دها كچنلرده اتكليز حاكميته قارشى صوبا ايله طاش ايله هجوم ايدن خلقك نهجيزى اكال ايديلنجه مصرده بشقه صحنه لره شاهد اوله جفز. مصرده اتحاده داخل اولان حزب الوطنى و سريست نيل و تروريست جمعيتلى، هله سوگ زغلول پاشا تشبندن سكره؛ تماميله فكرمزه كلهرك حريتك آتجق قوتله آلنه جفنى، يوقسه تحكم ايدن امپرياليست حكومتك احسانى ديله نمة نك معناسز بر تذلل اوله جفنى آكله رق اوكا كوره حاضرلانتقمده درلر.

دها شرقه كچمده دن آرانوود ملتلك حرركات استخلاصكارانه سندن بحث ايتمك ايشتمرز. شرقدن ايتاليا، جنوبدن يونانستان، شرق و شمالدن صريستان امپرياليستلىرى هجوملرينه اوغرابان بو جسور قومك غريده كى قسمنك مدافعه نفسدن غالب چيقيدينى و موكون تماميله مستقل و مستوليرلىنى طرد ايتمش اولدينى كوره ك مفتخر بولونيوروز. واقعا هنوز دونكى مغلوبلر و بولداشلىرى اولان ظلمه استقلالنى طانيمق

كچن سنه دنبرى مختلف نقطه لره منفرداً اوغراشان اختلال رؤساسنى مركزى تشكيلاتيه ربط خصوصنده كوريله ن موفقيات بزه يك بويوك اميدلر و بزمشدر. اختلالك هنوز حاضرق دوره سنده بولوندينى جزائر، تونس حقتده فضله سوز سويله ميهرك يالكز اميدمرك بوراده ده يك قوتلى اولدينى سويلر طرابلس غربه كچرز. بوراده اون سنه در دوام ايدن مجادله مليارلره پاره ولا اقل يوز ييك ايتاليان نفرينك محوينه سبب اولدينى و بوكون بوتون معناسيله بورا خلققنك ايتاليان تحكمنه غالب كلبكى، سوگ اوچ سنه ظرفنده ايتاليان ارجوسندن يالكز طرابلسده يتمش ييك قنك ضبط ايدلش و اوتوز بش ييك نفر محو ايدلش اولدينى سويلرسهك بورا وضيعى حقتده اى بر فكر ايدنماش اولور. شمى بوراده تأسس ايدن اداره تماميله خلق طرفندن منتخب و هيئت مركبه آئنده در.

بوراده تشكيلاتز احضارات دوره سنى چوقدن كچيرمش، مسلح اختلاله كچهرك استحصال حرب ايتمش، ملككى بالذات اداره ايدر بر وضعيته بولونمشدر.

بيك كيلومترده دن اوزون ساحلك يالكز بنغازى ده داخل اولدينى حالده درت نقطه سنده طوتونه ييلمكه

ارقداش لر ! ايسته بز بو مساعيزله بزى اژمن عين
 اميراليستلره قارشى مجاهده ده سركه برابر بولونديغمز
 حقنده باكو ده وريدكمز سوزه ثابت قدم اولارق بو
 كون سزى عين حس حرمترلره سلاملا و خاصه فرانس
 و ايتاليان ارقداش لرك بو خصوصه كوستردكلى
 صميمى حسن قبوله تشكرلر ايدهرز . اوچنجى اتر -
 ناسيونال شرق ملت لر نه حريت لرنىك استحصالنده
 وريدكى سوزده ثابت قالدقجه زلرك دائما ياني باشكرد
 اك صميمى جدال دوستى اوله رق قالاچمىزى تكرار
 ايدهرز .

بو خصوصه قومونست ارقداش لردن شرق
 ملت لرنىك استخلاصى اتانسانده روسيه قومونست
 پارتيسنك حكومت اوزرينه لازمكن تاثيرى اجرادن
 خالى قالمه رق اسكى روسيه داخلنده بولسان اقوام
 سائرنك خاصه چار اداره سى زماننده بك چوق
 تضيقه معروض قالمش اولان و سوويت اداره سنك
 تاسيسنه بك چوق قان دوكمش اولان مسلمان كتله -
 سنك موعود سرستيلرنىك خللدن وقايه سنه نكهپان
 اوله جق لرنه امنيتمز قويدر .

بويله جه شرق ملت لرى آراسنده اميراليستلرك
 ياتقمده اولدقلى پروياغاندا ده كندبلكندن حكمدن
 اسقاط ايديش اولور . عربستانه كنجه ، اساساً
 كنديلرنه اداره ده و حقوقده عين موقعى و يرش
 اولان توركردن حايه صورتيله آيردقلى عرب
 مملكتلرنه مستولى اولان انگليز و فرانسز غاصبلى
 حقنده و بولرك پنجه سنه كچمش اولان مملكتلرك
 بولره قاچه مال اولديغى و اورالده اسكى سكون و
 رفاه يرينه بو كون قتال و ظلم قائم اولديغى ييله مين

ايسته ميورلر سه ده حر روسيه نك ظالم اميراليستلره ده
 بو خصوصه آيى بر درس و يره رك بو ملتله مناسباته
 كيريشه جكنى اميد ايدهرز .
 توركيادن تكرار بحثه لزوم كورميورز . يالكز
 ترايا قطع ه سنده مسئوليلرك تجريدنه قارشى اون
 بيكلرجه جان فدا ايتدكلى حالده ترايا ليلرك حالا
 مجادلاننه دوام ايتمكده بولونديقلى و كذا آناطولنىك
 غرب قسمنده يونان جبهه سى كريسند شمدى به قدر
 ايكي يوز بيك ارلك ، قادين ، چولوق چوجوق بعض
 يرده ديرى ديرى باقيلمق صورتيله يونان وحشيلرى
 طرفندن احا ايدلدىكى حالده بوراده مدافعه حريت
 ايچون اوغراشمه دوام ايدلدىكى سويله مه دن كچه مه بز .
 بيچاره ايران خلقنك ده هيچ بر طرفدن اميد
 بلكه ميهر ك كندى كنديسى قورتارمق مجبوريتنده
 اولديغى و بو صورتله بوراده ده اتحاد مزه داخل
 تشكيلاتنك باشلا ديغى مع المئونيه كوربيورز . هندستانده
 ايسه اتحاد داخل اولقله برابر شمدى به قدر مقاومت
 مصالحانه ايله استحصال حريته و اريلاچقنه قانع اولارق
 تعبيه جه بز دن آيريلان ارقداش لرمك نهايت دميره
 دميرله مقابله دن بشقه چاره اولديغى آكليهرق حقيقى
 اختلال بولنه كيردكلى كورمكه مفتخرز . بوندن
 بشقه جاواده كى شريعت الاسلام جمعيتى و سائره كى
 جمعياتك ده عين مقصد ده بزمله متحد بولونديغى علاوه
 ايدهرز . ايسته بز « اسلام اختلال جمعيتلى اتحادى »
 مصرده قبطيلر و هندستانده هندولر و سوريه ده
 خريستيانلر كى عين ظلمك تاثيرنده بولونان مظلوم
 غير مسلم ملت لره توحيد مساعى ايتديكمز كى مجاهده -
 لر يى كال تبجيل و حيرتله تعقيب ايتديكمز ايرلاندا
 قهرمانلريله ده مناسبات دائمه ده بولونيورز .

یوقدر . فرانزلرك دها دون كندیلرینی حسن قبول
ابتدكلیری باغره باغره سویلدكلی سوریده ده ۲۴
حزیرانده جنرال غورونك بالکز کوملكنك قولنه
اصابت ایدن ایکی قورشون ایله ترجمانی قتل و فرا -
نزلرك شام حكومتنه رئیس یایدقلىرى حقى العظمه
اصابت ایدن اوج قورشون سوریه لیلرك فرانسر
اشغالى نه قدر حسن تلقی ابتدكلیرى كوستر یكى بر
دیلدر . فقط ایش بونكه قالمیه جقدر . آرقداشلر !
سوریه فرانسر امیر یالیزمنك مزارى اوله جقدر .
آرقداشلر ! فرانزلرك مستملكات عسكى هم سرك
و همده بزم ایچون نهلكلى كوروینور فقط ۱۸۵۷
هند عصبانی تدقیق ایدرسه كز بو تشكیلاتك أنى
چالیشیرسوق هر حالده بزه يك نافع اوله جغنى آكلامقدن
كچيكمزسكر . سوریه ایچون متفقلىرى انكلیزلرك یوردان
شرقتده بر امارت تشكینه تشبیهی فرانسر امیر یالیستلرینه
حاضر لامقده اولدقلى طوزاق و صكره اسكى سوریه
امیری فیصلی عراق قرالى یاپه رق بو جهتدن فرانزلره
قارشى اوبناماق ایستدكلى اویون بونلر آره سنده ده
یقینه ده بزه فائده لی و فرجبخش بویوك اختلافلرك
چیقجه جغنى كوستر .

بمنده آرقداشلر مزله تشریک مساعی ایدن و درت
میلیون خلق طرفندن منتخب امام یحیی نك دها دون
انكلیزلری حدیده دن قوغق صورته ل انكلیز امیر یالیز -
منه قارشى كوستردیكى مقاومت شایان ذكردر .
عربستان شبه جزیره سنك مركزنده ریاض امیری
ابن السعودده بو اجنبی تحكمنه قارشى مجاهده داثمدر .
عراقده ، طرابلس تخلصنده آفریقا مركزینه دوغری

یكری میلیون خلق آراسنده كی مهم تشكیلاتلریله
بزمه تشریک مساعی ایده رك طرابلس و بنغازینك
تخلصنه یاردیم ایتمش اولان سنوسیلرك بویوك رئیسلى
سید احمد شریف قردشمزك اطرافنده طویلاشمش
اولان نجد امیری ابن الرشید ، غزه رئیسى حاجم و
شمر رئیسى جعیمیلرك كیتدكجه تكمل ایتمكده اولان
مجاهدات تشكیلاتلرینك اویله انكلیزلرك اویدورمه
قراللى او كنده آدانیه جق و قیرلیه جق قدر قوتلى
اولدیغی سوبله مكدن كری دورامام .

بوراده انكلیزلرك آلآن یوز یكری بیک نفر بسله -
مكده و آلتش میلیون آلتون صرف ایتمكده اولدقلىرى
سویلسهم بو حركتك اهمیتی آكلاشیلر .

ایشته كچن سنه شرق ملتلى قونغره سنده باكوده
ذكر ایتدیكمز اساسات ثابت قالمق اوزره بشریتك بوتون
آزبله ن قسمیه رفاه و حریت عمومینك تأمیننه یورو -
مكده عزم ایتمش اولارق همیز ایچون موفقیترلر نمی
ایده رز .

آرقداشلر ! كچن سنه ده دیدیكمز كی امیر یالیستلر
آره سنده ۱۹۱۴ ده باشلامش اولان حرب حالا
دوام ایدیور . كوزلری دویمق بیله من بو جانوارلر بره
دوریدیكى مظلوم ملتلك وجودی اوزرنده دها چوق
دیدیشه جكلدر . بتركه بز دنیا اختلالی ایچون حاضر -
لامقده دوام ایده لمده وقت مناسبنده آل برلكیله
حرکت ایده رك هپ برلكده قورتولام . زمان بزم لهمزه
چالیشور ، اوبوما بام ؛ جساتله ایلرلیم ، البته صوك
غلبه بزمدر . چونكه بز مظلومن ، حقى بز .
' الحق یعلوا ولا یعلی علیه '

فلسطین مکتوبلرے

— ۲ —

ایتدکلری بیکرجه ایرالره رغماً یهودیلر هیج بر فائدہ کورمدیلر سیاست ملائمانه نك چقار یول اولمادیغی حس ایدن سیونیست جمعیتی، یواش یواش حکومتک مراکز مهمه سندن برر بهانه ایله اسلام و خرسیتاثرلی طرد ایدرهك برینه جمعیتك اك ذی نفوذ و نامدار اعضالرنی تعیین ایتدیلر هر طرفدن تحت تضییقه النان عرب و خرسیتاثرلر تورك اداره سنه قارشى یاپدقلری نانکورلکه پشیان اولدیلر.

تورکلری آرایورلر فقط هیپات!! زده و ناصل؟ بونکه برابر اهالی امیدینی جناب حقدن کسمدی. مصطفی کمال پاشانك موفقیتی توالی ایتدکجه اهالیده امید نجات نمایان اولمغه باشلامشدر. تورکلر موفقیت نهائیه ایله حربدن چقه جق اولورلر سه فلسطین اهالیسی اشبو تضیقندن قورتیلوب تورك قرداشلرینه قاووشا. جق لرینی امید و بو خصوصی اوقات خسه ده بارگاه احدیتدن تضرع ایدیلرلر. اشبو امید فلسطین اهالیسنه بر روح قوی بخش ایتمش و سیونیست سیلاننه قارشى مدافعه و "بلقور" وعدینی لغو ایتمك ایچون سـكـز کشیدن مرکب مرخصلر تعیین ایدرهك انکله زیه کوندرمکه حاضرلنیورلر. مرخصلرک مصارفاته قارشیلق اولمق اوزره اهالی دیشندن طیرناغندن آرتیردیغی یارالرایله اون ایکی بیک لیرا طوبلامش و مرخصلرنك امرینه بائقه به وضع ایتشدر.

مختلف سیاستک تولید ایتدیکی جریان کافی دگلش کبی یافاده روسیادن، پولونیادن، کلن یهودیلر یافاده بولشه ویک حکومتی تأسیسنه قرار ویرهك ۱ مایسده

حکمتده اولدیغی کبی حادثاتده ده تضییق دائماً عکس نتیجه ویردیکندن بار ظلم آلتنده ایبلکه بن عربلر بالطبع بو حاله دایانامادیلر. غزته لرده او قودیغـكـز وجهله فلسطین منبع عصیان و شورش اولدی. لوندرایه هر ایکی عنصرک شکایتندن دولانی یهودی صداسی، یهودی شکایتی بالطبع نظر اعتباره آئمش و اشبو عنصری اسکات و موقعی رصین ایچون مندوب سامی اولارق سیونیستلردن اك ذی نفوذ و نامدار اولان "سهر هر برت صموئیل" قدسه کوندرلش و سیونیستلرک سیاستی ثبات و متانتله تعقیبه باشلامشدر. اشبو خالدن قوشولانان عرب عنصری مهدش سیونیست سیلنه قارشى دایانه بیلمک و حقوقی محافظه ایده بیلمک ایچون "مؤتمر عربی" نامی آلتنده فلسطینلرک اسلام ایله خرسیتیان عنصرینی احتوا ایدن بر جمعیت تأسیس ایدرهك کمال شدتله مقاومتیه باشلادیلر. سیونیستلر اشبو مقاومتک کیتدکجه قوت و قدرت کسب ایتدیکی کوردیلر "مستر بلقور وعد مشئومنی" حیز فعله چقار. مه نك غایت مشکل اولدیغی حس ایتدیلر. و بوکا چاره بولمق ایچون عربجه غزته لر چقارمغه و عربلر ایله یهودیلرک عموجه زاده اولدقلرینی یازمغه و تعمیمه باشلادیلر. اشبو سیاست ملائمانه دن مقصدک وطنلرینی و اللرنده کی ایی اراضیلرینی آلوب خانه بر دوش ایتمک اولدیغی آکلادقلرندن، اشبو سیاست ملعونانه نك تطبیقنه مانع اولمق ایچون یهودی عربجه غزته لرینه مقابل، قدسک غبور کنجلیر کیین و حیمتله هالامال متعدد غزته لر کشاد و تأسیس ایتدیلر. و صرف

(۴۰) مقتول (۳۰۰) مجروح و مسلمان ايله خرسټيانلر
نلردن (۲۰) مقتول (۱۵۰) قدر مجروح دوشدى.
حکومت، عيسانه بالذات يهوديلر سييت و بر دکر-
ندف اشبو حادنه نك اهميتى آزالتمغه و حوادثك
لايقيله طيشارى به انتشارينه مانع اولمغه چاليشدى و
قباحتك كيمك طرفندن اولديغى صانككه حكومتجه
معلوم دكش كبي تحقيقات اجرا و مسيبلرى ظاهره
اخراج ايتمك اوزره قدسندن بر ديوان حرب هيئت
يافايه اعزام ايله دى. اشبو ديوان حريك اجرا آتى
عدالتى بالآخره بشقه بر مفصل مکتوبله قارنه و قارلر-
يهم بيلدیره جكم. [ما بعدى وار]

اجتماع ايتديلر و مسلمانلر ايله خرسټيانلرى اشبو
اجتماعه اشتراك و بر بولشه ويك حكومتى تأسيس ايتمكه
دعوت ايتديلر. دعوتيه كيدف يهوديلرك اوكنده
بولشه ويك باراغى موجه لنيوردى اجتماع كوتنده
طويلانان يهوديلر اسلام و خرسټيانلرك اشتراك
ايتمك كريف كورديلر.

مستعمره لرينه عودت ايتمكده اولان بولشه ويك
كروهى اسلام و خرسټيانلردن مركب بر آلايه تصادف
ايتمش و حرص ايله كينك اهتراجندن حاصل اولان
برودنك تاثيريله آرلرنده منازعه باشلايه رق يهوديلردن

اجمال حوادث

خبي ضايعاته اوغرامش و نهايت تورك اردوسيله سقاريه
جوارنده ناسه كلشلىر؛

۲۶ آغستوس ۱۹۲۱ ده استانبولدن آوروپا
مطبوعانه ييلديرلديكنه كوره سقاريه ديرسكنده كچن
پنچشنبه صباحندن برى ايكي اردو قسم كليلىرى آراسنده
ميدان محاربه سى باشلامش اولديغى آكلاشيلور.

۲۸ آغستوس تاريخى تان غزته سى يونانلرك ترك
اردوسنك سول جناحى عليهنه جنوبيدن اوچ فرقه ايله
بر چوپر مه حركى يادقلىرىنى بيلديريور. عبنى غزته
۲۹ آغستوس تاريخى نسخه سنده ايسه بو چوپر مه
حركتى بايان يونان اردو غوپنك توركلر طرفندن تاميله
مغلوب و مضمحل ايدلديكى، حتى يونان قوماندانلغنك
بو قطعاتنك عاقبتندن معلومات بيله آله مديغى، آناطولى
حركانتك آلمقه اولديغى بو معكوس شكلدن دولايى.
استانبولده كى انگليز محافل عسكريه سنده درين بر انديشه
و هيچان حكم سورديكى مندرج بولتيور. مذكور

تورك-يونان مختاصاتى - يونان اردوسنك، يوز
اويوك - كوتاهيه خط عموميسنده طويلانش اولان
تورك اردوسنك سول جناحى، آلتون طاش سيد غازى
استقامتنده واسع بر حركتله چوپر مهك تئب ايتمه سى
اوزرينه تورك اردوسى قوماندانلغى دشمنك بو حركتنى
تاميله عقامتده اوغراتان جرآنكار بر مانوره اجرا ايتمش
و قيصة قيصة ضربلرله يونانليلىرى، بالخاصه سيد
غازى، سيوربحصار طرفلرنده ضايعات مهمه يه اوغراتقى
صورتيله آقره استقامتندن شرقه دوغرو چكلمشيدى.
بومانوره نك استهداف ايله ديكى غايه آشكار ايدى؛
شرقدن كلمكده اولان قواى سائره اردو قسم كليسنه
التحاق ايدنجه يه دكين جدى بر محاربه قبول ايتميه رك
چكلمك و يونانليلىرى منزللرندن اوزاق دوشيره رك
مشكل و صارب اراضيه دوغرو چكلك، جدى محاربه يي
ايسته ديكى زمان و مكانده ويرمك.

سوك كونلرده كلان خبرلره باقيليرسه يونانليلىر،
ضعيف قوتلرله تورك اردوسنك قسم كليسى آراكين

غزته نك شو يولده كي نشر ياقى طرفينك رسمى تبليغلىر نه مستنددر . مع هذا بو خبرلر هنوز نتيجه قطعيه حقنده تام بر فكر و بره مزلر . محقق اولان بر شى وارسه اوده بوبوك ملت مجلسنك و تكميل آتاتولى خلقك بومشروع و قدسى مجادليه سوكنه قدر دوام ايتمك خصوصنده كي عزملرينك صارصاماش و بالعكس قوتلشمش اولمى در . شو حالده تورك اردوسى باش قوماندانلى بو ميدان محاربه سنى بر نتيجه يه ابردمك و يا قطع ايتمكه اسكيسندن دها زياده و قطعى بر سربستى يه صاحب بولمقده در . شايد مذكور قوماندانلق بو محاربه نك جريان صفحائه كوره قطعى بر مظفريت ايچون لازم اولان عوامل و مؤثراتك كفايتنه قانع اولمازسه يونان اردوسنى لازمى كې خريالادقدن سوكره دها شرقه چكلىر و بو صورته هم شرقدن آقبن آقبن كلكد ه بولنان قوتلرينه دها زياده ياقلاشير و هم ده يونانلرك وضعيتى ده او نبتده مشكلشدير . بناء عليه سقارب ه جوارنده جريان ابتدكي خبر و برلن بوبوك محاربه نك نتيجه قطعيه لى مى ، يوقسه يونان اردوسنى دها زياده ازمك و يورمق ايچون اختيار ايدلش بر اشغال محاربه سى مى اولديغى هنوز كسدريله مز . هر حالده اللهك عنايتندن تماماً امين و مطمئن اولهرق جصور اردومزك حرركاتى كال سكوتله تعقيب ايده بيليرز .

عراق خبرلى - موصله قيام : برتانيا مستملكات ادارمى ، موصل حواليسنده بر چوق برلرده اغتشاش ظهور ايله ديكنى ، حكومت قطعائنه هجوملر واقع اولديغنى و بورالرده تأسيس آسايش ايچون قطعاعات معاونه كوندرلديكى تبليغ ايله بور . آروپا مطبوعاتى بو اغتشاشى ، انكلتره نك امير فيصلك قرالغه انتخابندن

بكه دبكى نتيجه نك قولايقله حصول بولىه جفته ، بر علامت اولمق اوزره تفسير ايديبور .

فاس خبرلى - فاس و اسپانيا محاربه سى فاسلى قارداشلرمزك لهنه دوام ايديبور . اسپانيا قطعائتنك وضعيتى كسب و خامت ايتمكه بر دوام . تبليغ رسمى يه نظراً اسپانيا اردوسى آغستوسك يكرمينه قدر - غائب و اسيرلر خارج اولمق اوزره - (۱۴۰۷۱۲) تلف و برمش ، (۱۳۹) صحرا طوبى ، (۳۹۲) ماكنه توفنك و (۲۹۰۰۰) توفنك فاسليلر طرفندن اغتنام اولمشدر . انگليز ملعننى : آغستوسك اون طقوزنده مالزمه حربه ايله درلو درت انگليز كميسى (مهليل) يه كلش و فقط مجاهدلرك شديد آتشى قارشينده حمله سنى چيقارمغه موفق اوله مامشدر .

اسپانيا نك لوندرد ده كي قونسولى ايشز قالان انگليزلردن كوكللى قيد ايديبور . آغستوسك اون سكرنجى كوفى (۲۵۰۰) كسى قيد اولومشدر . عالم اسلام ايچون انكلتره دن شفا بكه ين بعض احقملر ايچون بو وقعه دن اولسون بر درس آليه جقتلرى در ؟

جنرال (ناوارو) نك اوغلى باش قوماندانه آتش ايديبور : ناوارونك اوغلى ، (آرديت) محافظلرينه لازم كلان معاونتده بولنماش اولمق انهاميله ، باش جنرال (بهردنغهر) . بر قاقچ آل سلاح آتمشدر .

(رهن) اشغال منطقه سنده فاس عسكرلى آراسنده عصبان : باشقه جبهه لره سوق اولمق ايسته ن فاس فرقه لرى عصبان ايتمش ، بونك اوزرينه فرانسرله فاسليلر آراسنده شدتنى مصادمه لر وقعه كلشدر . فرانسه حكومتى بو فرقه لرى لغو ايله مش و يرينه بلچيقا قطع لرى اقامه ايدلشدر .

اوزرينه يوريورلر . و عثمانلي بايراغي طاشيورلر . قالكو -
تهده بر طاقم اولره عثمانلي بايراغي كشيده ايدمش و
انكليز لر طرفندن قالديرلىق ايسته مى اوزرينه بر چوق
مصادمه لر وقوعه كئشدر . برتانيا حكومتى قالكوته يه
قطعات و بر فيلو كوندرمشدر .

تاسى غزته مى بو قيامى هندستانده شمدى يه قدر
وقوعه كلانلرك اكه مهملرندن عد ايدىيور . قياكه عامل
و مؤثرى اوله رق اهايلنك دينى تعصبى و بالخاصه صوك
زمانلرده برتانيا نك توركيه و خلافت اسلاميه يه قارشى
تعقيب ايله ديكى خصانه و سقيم سياسى كوسترييور .

ايرلندا خبرلى - ايرلندا و برتانيا حكومتلى
ظاهراً مذاكره نك انقطاعه اوغراماسنه سعى ايتمكه
برابر حقيقتده بيه خاصمه و مصادمه لر بو صوك كونلرده
اسكى شدنى اكتسابه باشلامشدر . اوتوز آغستوس تاريخلى
لودنرده ن اشعار ايدليكنه كوره بلفاسده صوك يكرى
درت ساعت ظرفنده مختصات متار كده ن اولكى شددنه
دوام ايله مشدر . بر چوقله ر بومبالر آتياش ، كيجه
بوتون شهر ظلمت ايجنده قالمش ، پك چوق مبانى تخريب
و احراق ايدلمشدر . عدد تعيين ايدلامكه برابر تلفات
پك مهم در .

بلغارستان خبرلى - معاهده موجنبجه بلغار -
ستانك رومانىايه ويرمكه مجبور بولنديغى مواشى آلق
اوزره كلان هيئت حدودده بلغار قطعاعاتى طرفندن
آتشله قارشىلاش و مملكته دخولته نمائت اولنمشدر .
بو وقعه رومانىا افكار عموميه سنى غلبانه كتيرمش و
ين المؤتلفين قوميسونى تشبثات لازمه ده بولنمشدر .

سوريه خبرلى - فرانسه نك سوريه قوميسرى
جنرال (غورو) استعفا ايتدى . امير فيصلك عراق قراللغنه
زمان انتخابنه تصادف ايله بن بو استعفا جنرالك ،
انكلتره ائتريقه مى قارشيسنده رجعت ايله ديكنه و
فرانسه نك سوريه ده تعقيب ايدليكى ظلم و اعساف
سياسنك محكوم افلاس اولديغنه بر دليلدر .

امير عبد اللهك فعاليتى « اسكندريه دن مورنينغ
پوسته اشعار اولنيور » : حجاز قرالى ، درزىلى امير
عبد الله طرفدارلرينه التحاقه تشويق ايله مك مقصيده ،
لبنانه الى كشيلىك بر مفرزه كوندرمشدر . بو مفرزه
درزىلر طرفندن كندى منطلقه لرندن اخراج اولنمشدر
فرانسه حكومتى بو احواله مانع اولق ايجون ميرالاي
(پوتله) قومانداسنده (۵۰۰۰) كشيلىك بر قوت سوق
ايله مشدر . بو قوت شامده تجتّع ايدىيور .

امير عبد الله برتانيا حكومتنه ، انكلتره يه اولان
تعهداتندن معاف طوبيله مى و فرانسلره قارشى
سريستى حركاتنه مالك بولونمى آرزوسى ، اظهار
ايله مشدر .

هندستان خبرلى - هندستانك جنوب قسمنده
ظهور ايدن اختلال مدرس ولايتنده ساكن (موپلا)
قبائل اسلاميه سى آراسنده ظهور ايله مشدر . بو قبيله
تقريباً بر يچق مليون نفوسه مالكدر . اختلالجيلر بوتون
دمير يوللرينى ، و تلفون و تلفراف خطلرينى ، رسمى
مؤسسانى تخريب ايدىيورلر . انكلتره بليغ رسميلرينه
نظراً مخابرات و منافقات منقطعدر . واقع اولان مصاد -
مه لرده بيكرجه تلفات واردر . اختلالجيلر (قالكوته)